

Zeitschrift: Clubnachrichten / Schweizer Alpen-Club Sektion Bern
Herausgeber: Schweizer Alpen-Club Sektion Bern
Band: 71 (1993)
Heft: 4

Rubrik: Aus dem Sektionsleben

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)


Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 17.01.2026

ETH-Bibliothek Zürich, E-Periodica, <https://www.e-periodica.ch>

Aus dem Sektionsleben



Zum Gedänke a Markus Liechti 17. März 1947 bis 17. April 1993

Wenn der Markus ou het chönne säge, är heig i sim Läbe meh dörfe gseh und erfahre als mänge 90jährige, so isch es immer no schwär, si unerwartet Hinschied churz nach sim 46. Geburtstag z begrife.

Bi sir Familie hinderlat der Markus e grossi Lücke, und mir wünsche allne viel Chraft für d Zuekunft. Är hinderlat aber ou e grosse Richtum a unvergänglichchi Erinnerung, wo witerläbe und hälfe, schwäri Zite z ertrage.

Scho als chline Bueb het der Markus im Scherligrabe sini erschte Beobachtige i der Natur gmacht und si Blick fürs Schöne gscheuet. Später hei sich nöii Horizonte ufta; der Markus isch viel unterwägs gsi, und da het är gli ou e tröie Begleiter gha: si Fotoapparat! Är het sini Empfindige meischterhaft ufs Celluloid bannt und isch für sini fotografische Leischtige mehrmals uszeichnet worde. E Lehr als Buechdrucker, Volontärzite i witere grafische Brüef, erfolgriichi Teilnahme a Fotowettbewärbe und Expeditione i verschi-

dene Ärdteile si wichtigi Stazione gsi uf sim Läbeswäg.

Der Markus isch vilicht nid allne Bärner SACler als Sektionsmitglied bekannt gsi. Nach sir legendäre, gradlinige Dürquerig vo der Schwiz uf em Kilometer 160 im Summer 1983 i Zämearbeit mit Radio DRS isch der Name Markus Liechti aber de meischte vertrout worde. Mit eme Diavortrag het är a re Clubversammlig i sir urchige Art vo dere «Direttissima» erzellt. Ou anderi Diavortrag vom Markus si jedesmal e Bericherig gsi, hei Fröid gmacht und bim eine oder andere 's Gschpüri fürs Detail – nid nume für e Gipfu – bim Zbärggah gweckt.

Wär 's Glück het gha, mit em Markus unterwägs z si, het gli gmerkt, dass d Natur – wo ihm so sehr am Härz gläge isch – als Ganzes vom erschte Schritt a zur Tour ghört. Mit sim fine Sinn für Bsunderheite am Wäg bis ufe i ussichtsrichi Höchine und em Blick über Bärge und Täler i d Unändlichkeit het är bi vilne Beiliegte es nöis Bewusstwärde usglöst. Zudäm het der Markus uf sine im Expeditionsstil düregfüerte Reise als usgezeichnete Choch gwürkt, und sis chüschtige Brot, imene eifache Pfadi-Chessel oder sälberboute Ofe bachet, isch allne Reisetilnehmer unvergässlich.



So blibt üs hüt der Dank a ne begnadete Bärgfotograf, wo mit sine Ufnahme i Clubführer, i sine Büecher und sim Kaländer «Bergfoto» (wird 1994 no erschine!) in Erinnerung blibt.

Hanni und Fritz Gränicher